

Nuna tamakkerlugu naatsorsuutit 2003-2010


Tunisassiorneq aallaavigalugu nuna tamakkerlugu naatsorsuutit takutippaat inuiaqatigiit iluanni aningaasaqarneq qanoq ingerlanersoq. Taamatuttaaq naatsorsuusiap takutippaa inuusutissarsiornerup, inoqutigiit aningaasatigut atuinerata nunanullu allanut niueqateqarnerup imminnut qanoq attuumassuteqarnerat. Kalaallit Nunaata naatsorsuutaasa saqqummiunneqarnerat tassaavoq Naatsorsueqqissaartarfiup siullermeerutaasumik nuna tamakkerlugu naatsorsuutit ukiunik arlalinnik imalimmik saqqummiinera.

*Tunisassiornerup nalinga
(BNP) akini ingerlaavartuni
taavalu
aalajangersimasuni*

Titartagaq 1.

Nuna tamakkerlugu naatsorsuutit akinut ingerlaavartunut akinullu aalajangersimasunut naatsorsorneqartarput. Akit aalajangersimasut naatsorsornerat akit allanngorarnerat malittaralugu iluarsineqartarput, tassuunakkut aningaasarsionnikkut siuariartorneq piviusoq takuneqarsinnaalartarmat. Malittuani titartakkap takutippaa, tunisassiornerup nalinga BNP piviusoq 2006-mi qaffasinnerpaajusimasoq, tassani siuariaat 6,6 pct.-simammat.

Tunisassiornerup nalingata 2004-2010 siuariartornera piviusoq



Malugiuq: 2003-miit – 2005-mut kisitsisit inaarutaasuummata, 2006-miilli – 2010-mut kisitsisit kisitsisaagallartuullutik.

Takussutissiaq 1-mi takutinneqarpoq tunisassiornerup nalingata allanngorarnera aammalu 2003-miit 2010-mut tunisassiornerup innuttaasumut ataatsimut nalingata allanngorarnera. Tunisassiornerup akinut ingerlaavartunut innuttaasumut ataatsimut nalinga 2005-miit – 2010-mut 25,4 pct.-mik qaffariarsimavoq. Ukiunilu taaneqartuni tunisassiornerup innuttaasumut ataatsimut nalinga akit aalajangersimasut atorlugit 15,6 pct.-mik qaffariarsimalluni.

Takussutissiaq 1.

Tunisassiornerup nalinga taamatullu tunisassiornerup innuttaasumut ataatsimut nalinga, akinut ingerlaavartunut 2005-milu akinut sanilliullugu

	2003	2004	2005	2006*	2007*	2008*	2009*	2010*
Akit ingerlaavartut								
Tunisassiornerup nalinga, mio. kr.	9.239	9.689	9.897	10.561	11.115	11.629	12.160	12.295
Innuttaasumut ataatsimut, 1.000 kr.	163,0	170,4	173,7	185,6	196,2	206,0	216,4	217,8
Indeks, 2005=100	93,8	98,1	100,0	106,8	112,9	118,6	124,6	125,4
2005-mi akit aalajangersimasut								
Tunisassiornerup nalinga, mio. kr.	9.151	9.541	9.897	10.547	10.798	11.050	11.206	11.338
Innuttaasumut ataatsimut, 1.000 kr.	161,5	167,8	173,7	185,4	190,6	195,7	199,4	200,9
Indeks, 2005=100	92,9	96,6	100,0	106,7	109,7	112,7	114,8	115,6


Malugiuq: 2003-miit – 2005-mut kisitsisit inaarutaasuummata, 2006-miilli – 2010-mut kisitsisit kisitsisaagallartuullutik.
Indeks tunisassiornerup innuttaasumut ataatsimut nalinga aallaavigalugu naatsorsugaavoq.

**Nunanut allanut
naleqqersuussinnaan-
ngorneq**

Kisitsisit naatsorsugaapput FN-p nunat assigiinngitsut akornanni najoqqutassiai malillugit, tassuunakkut nunanut allanut nunatta aningaasaqarnera assersuunneqarsinnaalerpoq, nunat pineqartut najoqqutassiaq pineqartoq malimmassuk. Titartakkami 2-mi Kalaallit Nunaata aningaasarsiornera siuariartornera nunat qinikkat siuariartornerannut naleqqersuunnera takuneqarsinnaavoq taamatullu nunat OECD-mut ilaasut agguqatigiissillugu siuariartornerat.

Titartagaq 2.

2004-miit – 2010-mut akitigut aalajangersimasutigut Kalaallit Nunaanni tunisassiornerup nalinga nunanilu qinikkani tunisassiornerup nalingata siuariartornerat



Titartakkami 2-mi ersersinneqarpoq, nunani qinikkani aningaasarsiornerup ineriartornera assigiikannersimasooq, naatsorsuiffiup ukiuini tunisassiat ataatsimut nalingata ineriartornera annertoq naatsorsuiffiup ukiuisa aallaqqaataanni pisimalluni ukiunilu kingusinnerusuni siuariartorneq annikinnerusoq imaluunniit siuariartorfiunngitsoq pisimalluni. Naatsorsuiffik tamakkerlugu Kalaallit Nunaat siuariartornikkut pitsaasumik inissisimavoq, ukiut kingulliit siuariartorneq annikinnerulersimagaluartoq.

Pdf-fiilitut

Saqqummersitaq **"Nuna tamakkerlugu naatsorsuutit 2003-2010"** pdf-fiilitut Naatsorsueqqissaartarfiup nittartagaatigut www.stat.gl aaneqarsinnaavoq.

Kisitsisaasivik

Tabelit saqqummersitamut tunngasut **"Nuna tamakkerlugu naatsorsuutit 2003-2010"** pisarsiarineqarsinnaapput nittartakkami www.stat.gl.

**E-mailikkut
pisartagaqalerit**

Qarasaasiakkut nutaarsiassaqaartitsivitsinnut ilanngugit e-mail una bova@stat.gl allagaqarfigalugu.

Apequtissaqaruit Naatsorsueqqissaartarfiup pisortaa Anders Blaabjerg email-kut abla@stat.gl (oqarasuaat 36 23 72) saaffiginissinnaavutit.

Inussiarnersumik inuulluaqqusillunga

Anders Blaabjerg
Naatsorsueqqissaartarfiup pisortaa